

ՀԱՅԿԱԿԱՆ ՄԻ ՀՆԱԳՈՒՅՆ ԱՍՏՎԱԾՈՒԹՅՈՒՆ

Ս. Հ. ՈՒՏԱՌՅԱՆ

Մ.թ.ա. III հազարամյակում Կովկասի լեռնային շրջաններից Հայկական լեռնաշխարհի հարավային տարածք՝ իջավ ոչ հնդեվրոպական ծագումով մի ժողովուրդ, որին գիտական աշխարհում տվեցին խուռի անունը: Իսկ մ. թ. ա. IX—VI դդ. Վանա լճի արևելյան տարածքում խուռիական բարբառը կրող մի ցեղախումբ հիմնադրեց մի նոր հարստություն, որին ղիտնականները տվեցին ուրարտացիներ պայմանական անունը¹: Մեզ հայտնի չէ, թե եկվոր խուռի-ուրարտացիներն իրենց հետ ի՞նչ մշակույթ և պաշտամունք են բերել և, արդյո՞ք նրանք ընտանիքներով են եկել, թե զուտ զինվորականներ էին: Բայց ուրարտացի կոչվածները Հայաստանի հարավային տարածքում ստեղծեցին 300-ամյա զինվորական դինաստիա, հենված ստրկատիրական համակարգի վրա: Որոշ ուսումնասիրողներ այդ ժամանակաշրջանի հայկական տարածքի և մշակույթը, և պաշտամունքը համարել են ուրարտական²: Եթե առաջնորդվենք այդ տրամաբանությամբ, ապա պետք է ընդունենք, որ XIII—XV դդ. ոռոսական մշակույթը մոնղոլական էր, որովհետև մոնղոլները 250 տարի տիրեցին Ռուսաստանին: Այդ նույն տրամաբանությամբ կարելի է ասել, որ ոչ թե մ. թ. ա. IV հազարամյակում Միջագետք մտած սեմական ցեղերն են յուրացրել շումերական հարուստ մշակույթը, այլ ընդհակառակը: Կամ ոչ թե սելջուկ-թյուրքերն են յուրացրել փոքրասիական և հարակից շուր-շանների ժողովուրդների մշակույթը, այլ ընդհակառակը: Պատմությունը ցույց է տվել, որ վերոհիշյալ բոլոր տեղաբնիկները սոցիալ-տնտեսական և մշակութային զարգացմամբ ավելի բարձր աստիճանի վրա էին կանգնած, քան եկվոր քոչվորական, անասնապահական ցեղերը:

Վանի հարստության ուրարտացի հորջորջված ցեղախումբն ապրելով Հայկական լեռնաշխարհի մշակութային, հոգևոր և էթնիկական դրուժյան տեր վաղնջաբնակ հայերի մեջ, հայկական դիցաբանից անխուսափելիորեն կատարել է փոխառություններ, այլապես մ. թ. ա. IX դ. Մինուա թագավորը Վանի «Մհերի դռան» արձանագրության դիցացուցակի մեջ չէր գրի՝ «և ուրիշ լեզուների աստվածներ»³: Օրինակ, ուրարտական արևի Շիվինի աստծու անունը փոխ է առնված խեթական Siuna արևի աստծու անունից⁴: Այստեղ մեր նպատակն է խոսել միայն Կովերա աստվածության մասին: Վանի ժայռի վրա սեպագրված դիցացուցակում նշված է, որ Quera աստվածությանը զոհաբերել են մեկ եզ և երկու ոչխար: Նրա անունը հիշատակվել է նաև Վանի մոտ գտնվող Զովաստան գյուղի և Մեծփաղ Վանքի արձանագրություններում⁵: Ընդհանրապես արձանագրություններում չեն հիշատակվել աստվածների պաշտոնները: Կուերան, կարծում ենք, ունեցել է բերքատվության պաշտոն, որովհետև նմանասեռ աստվածներ գոյություն են ունեցել հնդեվրոպական մի քանի ժողովուրդների մեջ: Հռոմեական բեր-

¹ Гамкрелидзе, Вяч. Вс. Иванов, Индоевропейский язык и индоевропейцы, Тбилиси, 1984, с. Lji.

² Б. Б. Пиотровский, Искусство Урарту, Л., 1962; Г. А. Меликишвили, Урартские клинообразные надписи, М., 1960.

³ Г. А. Меликишвили, *ևլվ. աշխ.*, էջ 143—148:

⁴ *Նույն տեղում*, էջ 145:

⁵ *Նույն տեղում*, էջ 174:

քապության նույնանուն աստված էր Quirinus-ը, որին նվիրված տոներ կապված էր հացահատիկը բովելու արարողության հետ, և որին զոհաբերել են մեկ ուխարձ, Ըստ Ժ. Դյումեզիլի՝ *CO-Quirino նշանակել է «առատություն» կամ «հարստություն»⁶, Ա. Նեելեան ենթադրել է, որ Quirinus աստծուն Ապենինյան թերակղզում պաշտել են նախքան իտալիկների բնակեցումը Հռոմում⁷, Իսկ Ա. Զերտկովն այն կարծիքն է հայտնել, որ պելասգոթրակական ցեղերը՝ իտալացիների նախնիները, Փոքր Ասիայից Իտալիա են տեղափոխվել մ. թ. ա. III հազարամյակի կեսերին⁸:

Նույն առարկայի մասին Թ. Գամդերելիսն և Վ. Իվանովը այն կարծիքն են հայտնել, որ հռոմեական Quirinus ե հին իսլանդական Freir աստվածությունները ներկայացրել են տնտեսության տարրեր ճյուղերի հովանավորներ, որոնք ձևավորվել են հնդեվրոպական նախալեզուն կրող ժողովրդի բայթայման ժամանակ, Գուցե այդ էր հիմնական պատճառը, որ արդեն ըստ բարբառների բաժանված ժողովուրդներն ունեցել են բերքատվության տարբեր անուններով աստվածներ, ուստի հնարավոր չէ դրանց համահնդեվրոպական մի նախաձե գտնել⁹:

Մեր կարծիքով հնդկական դիցաբանության մեջ Կուվերա անունը տառադարձվել է Կուբերա, որին անվանել են նաև Վիշրավանա, այսինքն՝ «հարստության որդի»¹⁰, Ս. Նեելեան նշել է, որ այդ աստվածության ծագումն անհայտ է, բայց նրա հետքերը տանում են հնդկական բանահյուսության ակունքները, Ըստ Ռամայի դիցաբանական պատմության՝ «Կուբերայի այգին» գտնվում էր Հիմալայի լեռներից մեկի՝ Գանդհամադանի վրա, որտեղ Կուբերան, «ամարդու հետ սլանում է իր սայլով»¹¹, Հնդկական առասպելաբանությունը վկայում է, որ Կուբերան հովանավորել է այգեգործությունը, Ինչպես հնդկական այդ աստվածությունը, այնպես էլ հռոմեական բերքատվության հովանավորներ՝ Յուպիտերը, Մարսը և Քուիրինուսը Կապիտոլիում են սլանում մարտական կառքով¹², Իսկ փոյուզիական պտղաբերության հովանավոր Կիբելան լեռներում շրջում է առյուծներ և հովազներ լծած¹³, Պատմությանը հայտնի է, որ անիվի գյուտը տեղի է ունեցել Առաջավոր Ասիայում¹⁴, Հիբրավի, առասպելական կառքով աստվածների շրջելը կապված էր հնդեվրոպական ժողովուրդների տեղաշարժերի պատմության հետ, որն էլ արտացոլվել է բանահյուսության և դիցաբանության մեջ:

Հռոմեական Quirinus աստվածանունը քննելիս գիտնականները նկատի են ունեցել միայն նրա viri «մարդ» բաղադրիչը, որը Ավեստայում հորջորջվել է vira ձևով, նշանակելով «մարդ», լատիներեն՝ vir (սայր), գոթերեն՝ wair (սմարդ), թուրքերեն Ա լեզվում՝ vir (սերիտասարդ), հին իսլանդերեն Fer (սողամարդ), որոնք ծագում են հնդեվրոպական *Uir-, *Uiro արմատական բառից, և նշանակել են աստվածների ու մարդկանց միասնություն¹⁵, Իսկ հնդկերենում vira (սմարդ) և pasu (սկենդանիներ) բառակազմությունը տվել է viraṣa և նշանակել է «մարդկանց և կենդանի-

⁶ Ж. Дюмезиль, Верховные боги индоевропейцев, М., 1983, с. 112.

⁷ Նույն տեղում:

⁸ С. А. Невелева, Мифология древнеиндийского эпоса, М., 1974, с. 125.

⁹ А. Д. Чертков, Пеласго-фракийские племена, населявшие Италию и оттуда пришедшие в Ретию, кн. 13, М., 1853, с. 98.

¹⁰ Т. В. Гамкрелидзе, Вяч. Вс. Иванов, *Նշվ. աշխ.*, էջ 793, 798, 851:

¹¹ С. А. Невелева, *Նշվ. աշխ.*, էջ 67, 215:

¹² Նույն տեղում, էջ 79:

¹³ Ж. Дюмезиль, *Նշվ. աշխ.*, էջ 115:

¹⁴ М. Н. Ботвинник, и другие, Мифологический словарь, М., 1985, с. 74,

¹⁵ Т. В. Гамкрелидзе, Вяч. Вс. Иванов, *Նշվ. աշխ.*, էջ 867, 870, 884, 894.

¹⁶ Նույն տեղում, էջ 470:

ների միասնություն»¹⁷։ Վեդայական *virapsa*-ն, իրանական (Ավեստայում)։ *pasəuš Virat-Ča*-ն և ումերերեն *v(e)ro peqa*-ն նույն իմաստն են ունեցել¹⁸։ Հնոմեական ծիսակարգում նրանց միասնությունն արտահայտել է մարդ-ծի-կով, իսկ հնդկականում՝ մարդ-ծի-եզ-ուշխար ձևով, որպես զոհաբերվող կենդանիներ¹⁹։

Մեր կարծիքով այստեղ խոսքը ոչ միայն զոհաբերվող կենդանիների մասին է, այլև ներկայացված է հնդեվրոպական ժողովուրդների կեցության տոհմային բնույթը դեռ նախահայրենիքում գտնված ժամանակ, Հուլյն. պատմիչ Քսենոփոնը (մ. թ. ա. 430—355 թթ.) նկարագրել է Հայաստանի, դևս-նափոր տները, որտեղ մարդիկ և կենդանիներն ապրել են միասին²⁰։ Քսենոփոնի նկարագրածից ելնելով Ն. Ադոնցը եզրակացրել է, որ «Հայաստանի գյուղը, իրեն բնորոշ պատկերներով, որտեղ մարդկանց հետ տեղավորված էին անասունները... բոլորը պատկանում են ոչ այլ, քան միայն տոհմային կացութաձևին»²¹։ Մարդկանց և անասունների միասին ապրելու հնդեվրոպացի նախնիների հին սովորությունը նույնությամբ մնացել է հայերի մեջ։

Մեր կարծիքով հայերենում պահպանված վիրապը և հնդ-արիական *virapsa*-ն նույն նշանակությունն են ունեցել։ Մական հայերենում «վիրապ կամ խորվիրապ ասելով հասկացվել է «գետնափոր սենյակ» կամ «զբնդան»²²։ Այդ բացատրությունն ու ժամանակի է, երբ քրիստոնեությունը դեռ չէր հետ Հայաստանում արհամարհական վերաբերմունք կար հեթանոսական սովորությունների նկատմամբ, վիրապը բացատրելով «ի գրի անգիտության կապեալ կայիք, ի կռապաշտութեան վիրապի»²³։ Այս բոլորից եզրակացնում ենք, որ «վիրապ» բառը նախնական իմաստով նշանակել է «մարդկանց և կենդանիների միասնություն», ինչպիսի դրություն նկարագրել է հույն պատմիչն իր ժամանակի Հայաստանում։ Ուստի «վիրապ» բառը *virapsa*-ի հայերեն զուգահեռն է։

Անդրադանալով Quirinus դիցանվան ծագման հարցերին, ինչպես ասացինք, որոշ գիտնականներ (Ժ. Դյումեզիլ, Ս. Նեելա, Պ. Գրինցեր) հաշվի են առել սոսկ դիցանվան **viri* բաղադրիչի նշանակությունը, իսկ CO անվանակազմիչ մասնիկի մասին ոչինչ չեն ասել։ Մեր կարծիքով հնդեվրոպական ժողովուրդների տնտեսության տարբեր ճյուղերի հովանավորի անունը պետք է որ կազմված լինի **K^o* (հող) և **Uirō* (մարդ) բառակազմությունից, տալով *K^ouirino*, այսինքն՝ «հողի մարդ», փոխաբերական իմաստով՝ «հողագործ»։ Այդ տերմինից է հնոմեական *couirino* ապա Quirinus դիցանունը, իսկ հայերենում հավանաբար Կուլիրա, որն ուրարտական պանթեոն է փոխանցվել Quera անունով։ Հունաստանում բերքատվության հնագույն աստվածություններ են համարվել կավիրները կամ կաբիրները²⁴։ Գիտնականների կարծիքով դրանց պաշտամունքը Հունաստան է մտել արևելքից, այսինքն՝ Փոքր Ասիայից։ Դրանք պաշտվել են Սամոթրակե, Իբոս և Լեմնոս կղզիներում, ապա պաշտամունքն անցել է Հունաստան²⁵։ Հունական կավիրներ > կաբիրներ նույնանվան *v>b* հնչյունափոխությունն այն օրինաչափությունն է ունեցել, ինչ որ հնդկականում՝ *Qouiria* > *Qubera*։

17 Նույն տեղում։

18 Նույն տեղում, էջ 470։

19 Նույն տեղում, էջ 469, 481։

20 Քսենոփոն, Անարասիս, Երևան, 1970, էջ 97։

21 Н. Адонц, Армения в эпоху Юстиниана, Ереван, 1971, с. 390—391.

22 Ժամանակակից հայոց լեզվի բացատրական բառարան, հ. IV, Երևան, 1980, էջ 417։

23 Նոր բառերից Հայկազեան լեզուի, հ. 2, Երևան, 1981, էջ 104։

24 М. Н. Ботвинник и другие, նշվ. աշխ., էջ 47։

25 Նույն տեղում, էջ 68—69։

Պեպոք է ասել, որ հնդեվրոպական նախալեզվում *K^uO («հող») արմատական բառը չի եղել, որ vīgī («մարդ») բաղադրիչի հետ տար վերոհիշյալ դիցանունները: Հետևապես համոզված ենք, որ մ. թ. ա. IV—III հազարամյակներում, շումերական և հնդեվրոպական ժողովուրդների հարևանության պայմաններում (Վանա լճի հարավային տարածքում), հնդեվրոպական խորքառենբր ձևավորվելու ժամանակաշրջանում *K^uO («հող») բառը փոխ է առնվել շումերերենից: Ինչպես հայտնի է, Միջագետքում հնագույն շումերերեն ունեցել են ժամանակի հողամշակության, հացաբույսերի մշակման բարձր մշակույթ²⁶, Շումերական հողի կամ երկրի դիցուհու անունը՝ սեպագիր արձանագրություններում դադարափարագրվել է Ki²⁷, իսկ նրա ուրարտերեն հնչյունական ընթերցումը gi(u)ra է՝ «հող»²⁸, Ուրարտական արձանագրությունների մեջ բազմիցս հիշատակվող giura նշանակել է «հող»²⁹, իսկ հողագործների կամ բերքատվության աստծու անունը՝ Quera³⁰, Շումերական «հող» նշանակող բառի փոխառությունը սանսկրիտերենում KO («հող») է³¹, իսկ հունարենում տառադարձվել է gē («հող»), որից արդի գիտության մեջ առաջացել են հողի հետ կապված բազմաթիվ տերմիններ³², Հունարենում նույն հիմքից է անվանակազմվել երկիրն անձնավորող դիցուհու Գեա անունը, որին հունական դիցաբանության մեջ պատկերել են մինչև մարմնի կեսը հողի մեջ³³, խոսելով հունական աստվածների ծագման մասին, Սոկրատեսը հայտնում է. «Այս հարցում ես իմ կասկածներն ունեմ: Մտածում եմ, որ հելլենները շատ անուններ են փոխառել բարբարոսներից»³⁴, Անդրադառնալով հունական աստվածների էությունը, Հեգելը նույնպես հաստատում է, որ բնության ուժերը մարմնավորող հունական հնագույն աստվածներն ասիական ծագում ունեն³⁵:

*QO-vīgo («հողի մարդիկ») հասկացողությունից է առաջացել հռոմեացիների գլուղական համայնքի բերքատվության դիցուհու Quirinus անունը³⁶, GO հիմքից է նաև լատիներեն Golo բառը, որը նշանակել է «հողը մշակել, վարել»³⁷: Այսպիսով, լատիներեն GO, սանսկրիտերեն՝ KO և հունարեն gē («հող») բառերը ծագում են հնդեվրոպական ժողովուրդների միասնության ժամանակ շումերերենից փոխառված, բայց հնդեվրոպական *K^uO («հող») տառադարձությամբ արմատական բառից:

Ի. Զավախիշվիլին գրում է, որ վրացական ցեղերի մեջ գոյություն է ունեցել բերքատվության Կվիրիա անունով մի աստվածություն: Իբր այդ անունը կարող է առաջացած լինել «կիրակի օր» կամ Հունաստանում տարածված «աստված» բառից, կամ էլ՝ կավիրներ աստվածությունների անունից³⁸, Մեր նպատակից դուրս է անդրադառնալ հեղինակի ճիշտ կամ սխալ եզրահանգումներին, բայց պարզ է, որ Կվիրիայի պաշտամունքը Վրաստան է

26 Д. Г. Редер, Мифы и легенды древнего Двуречья. М., 1965, с. 31—34;
Н. Т. Канева, Шумерский героический эпос (Вестник древней истории, 1964, № 3, с. 249).

27 Д. Г. Редер, *նշվ. աշխ.*, էջ 117:

28 Г. А. Меликнишвили, *նշվ. աշխ.*, էջ 38, 374, 404:

29 *Նույն տեղում*, էջ 126, 128, 262, 344:

30 *Նույն տեղում*, էջ 437:

31 *Նոր բառգիրք Հայկազնիան լեզուի*, հ. 2, էջ 116:

32 Сельскохозяйственная энциклопедия, т. I, М., 1968, с. 1047, 1982.

33 М. Н. Ботвинник и др., *նշվ. աշխ.*, էջ 47:

34 Платон, Сочинения в трех томах, т. I, М., 1968, с. 450—451.

35 Г. Гегель, Эстетика, т. V, М., 1973, с. 246—347.

36 Ж. Дю мезиль, *նշվ. աշխ.*, էջ 132—133:

37 Հ. Ա ճ ա ղ յ ա ն, Հայերեն արմատական բառարան, հ. 3, Երևան, 1931, էջ 393:

38 Զ. Ժ ու մ բ ու լ ի ձ ի, Ինչ է քո անունը, Թբիլիսի, 1971, էջ 81 (վրացերեն):

մտել այն ժամանակ, երբ հելլենները, Հոմերոսից շատ առաջ «գաղութաց-
քին» Սև ծովի հարավարևելյան ափամերձ տարածքը՝ Կոլխիդան:

Այս բոլորից գալիս ենք այն համոզման, որ հնդեվրոպական ժողովուրդ-
ների նախահայրենիքում բերքատվության աստվածությունը ձևավորվել է
մ. թ. ա. IV—III հազարամյակում, այն ժամանակ, երբ դեռ կովկասյան
Վեզվաճյուղին պատկանող խուրի-ուրարտացիները չէին հայտնվել Վանա
լճից հարավ ընկած լեռնագոտում և նրա արևելյան շրջանում: Հետևապես,
Վանի ժայռի արձանագրության (մ. թ. ա. IX դ.) մեջ հիշատակած Quera
աստվածությունն «ուրարտացի» եկվորները փոխ են առել տեղաբնակ հա-
յերից: Ուրիշ աղբյուրներից անհնար էր դրա փոխառությունը, որովհետև
իտալական ցեղերը իրենց նախահայրենիքից այն Հռոմ էին տարել Կուիրի-
նուս անունով, հունական ցեղերը Միջերկրականի կղզիներն էին տարել կա-
վիրներ > կաբիրներ անուններով, իսկ հնդ-արիացիներն իրենց նոր հայրե-
նիքում այն անվանել են Կուրերա:

Բերքատվության Կուվերա աստվածության ավելի տարածված պաշտա-
մունքի նախնական գործառնությունից պետք է համարել guel («եղել»,
«ամիշտ լինել») բազմաբովանդակ տերմինը³⁹, Քանի որ հնդեվրոպական K^u
հնչյունը հունարենում տալիս է π, ուստի guel > πωλεῖν նշանակել է «արո-
քով հողը շուռ տալ, եղել»: Հայերենում այդ բառի gu հնչյունի սղումով
ստացվել է el, որն էլ իր հերթին լ > ղ հնչյունափոխությամբ տվել է «եղ»
(առանձին անգործական): Որոշ բառեր հնդեվրոպականից հայերենին
անցնելիս սղվում է g հնչյունը, ինչպես *glek > լեսուկ, *qrop > որովայն⁴⁰,
«եղ» հիմքը հայերենում ածանցների հետ տվել է առարկայական անուններ
և որոշ հասկացողություններ, ինչպես «ան» ածանցով՝ եղան (հոսելի), որը
կալի աշանը շրջելու կամ խոտ տեղափոխելու գործիք է: Հայերենում եղել
նաև նշանակել է «հողը արորով շրջել արևի դեմ, որպեսզի լավ այրվի և
զորանա»⁴¹, Մուշի բարբառում «եղել» հնում նշանակել է «Ջհերկերն նոյնպէս
վաստակել, եղել և սրբել յամենայն ազգ խոտաց»⁴²:

Հնդեվրոպական ժողովուրդների տեղաշարժերից հետո աշխարհագրա-
կան նոր պայմաններում երկրագործության տարբեր ճյուղերի հովանավոր
նոր աստվածները շատ են եղել⁴³: Բազմաստվածական պաշտամունք են ու-
նեցել նաև հայերը, որոնց մեջ հարգի էին բերքատվության դիցուհի Անա-
հիտը և Կուվերան: Վերջինիս անունով մի քանի տեղանուններ կային Պատ-
մական Հայաստանի տարածքում: Ըստ սեպագրի արձանագրությունների,
Արծվարերդի շրջանում (Վանա լճից հյուսիս) կար Querañili անունով
գյուղ, իսկ Արածանի գետի ձախ ափին՝ Queraitaše ամրոց-քաղաք⁴⁴:

Հայոց դիցարանում բերքատվության Կուվերա աստվածության «մոռա-
ցության» հիմնական պատճառն Անահիտ դիցուհին էր, որն ուներ բազմաթիվ
պաշտոններ: Հայաստանում տոհմացեղային հասարակությունից սկսած մին-
չև քրիստոնեության սկզբնավորումը Անահիտ դիցուհին եղել է երկնալի,
ջրերի՝ անձրևների հովանավորը⁴⁵: Տիգրան Մեծի դրամների վրա որոշմել էին
դիցուհու կերպարը՝ ձեռքին արմավենու ճյուղ, իսկ ոտքերի տակ՝ ջրի աստ-
վածության անձնավորումը⁴⁶: Անահիտը հայոց մեջ եղել է բժշկության հո-
վանավոր⁴⁷, սիրո և պտղաբերության դիցուհի⁴⁸, որին զոհաբերում էին առա-

39 Т. В. Гамкреладзе, Вяч. Вс. Иванов, *նշվ. աշխ.*, էջ 659, 718, 720:

40 Հ. Աճառյան, Հայերեն արմատական բառարան, հ. 3, էջ 394:

41 Գիրք Վաստակաց, Վիեննա, 1877, էջ 35:

42 Նշվ. աշխ., էջ 23, 54, 66—69:

43 Г. А. Мелюкишвили, *նշվ. աշխ.*, էջ 174:

44 Նույն տեղում, էջ 307:

45 Անահիտ Երրակացի, Տիեզերագիտություն և տոմար, Երևան, 1940, էջ 92:

46 Հայ ժողովրդի պատմություն, հ. I, Երևան, 1971, էջ 696:

47 Հայ ժողովրդի պատմություն, հ. II, Երևան, 1984, էջ 552:

48 Կ. Մելիք-Փաշայան, Անահիտ դիցուհու պաշտամունքը, Երևան, 1963:

շին բերքի՝ ցորենի և գարու հասկերը և նրա արձանը պատում դալար շի-
վերով ու պսակներով⁴⁹։ Դիցուն հայդքան պաշտոններ վերցնելով հայոց
պանթեոնում՝ մոռացության տվեց Կուվերային։ Անահիտը նման դեր է ու-
նեցել նաև պարսկական դիցաբանության մեջ։ Սասանյան հարստության ժա-
մանակ Ադիաբենում, բաբելական Իշտար և Նանա դիցունները նույնաց-
վեցին Անահիտի հետ և կորցրեցին իրենց ինքնուրույնությունը⁵⁰։

ДРЕВНЕЙШЕЕ АРМЯНСКОЕ БОЖЕСТВО

С. О. УМАРЯН

Р е з ю м е

В 5—4 тысячелетии индоевропейский праязык расщепился, обра-
зовав родственные языки. Новые племена были соседями шумеров
и семитских племен Междуречья. В этих условиях были неизбежны
заимствования, каковым является слово *K^{uo} «земля», которое в
шумерских клинописях выражено идиограммой *Kⁱ. Этот корень сох-
ранился в нескольких и.-е. языках—в санскрите K^o, в латыни GO,
в греческом γῆ. Заимствованный корень K^{uo} и и.-е. словообразова-
ние *uⁱo (человек) дали термин K^{uo}uirino «земледелец», а также
наименование божества урожайности. Римляне называли его Quir-
inus, индекс Kubea, а армяне, по-видимому, Կուվեր։ Когда неиндоевро-
пейцы хурри-урартийцы в середине 3-его тысячелетия с Кавказа пере-
селились на Армянское нагорье, уже многие и.-е. народы покинули
овую прародину. В этот период на Армянском нагорье хозяевами поло-
жения в смысле языковом, культурном и вообще духовном были ар-
мяне. Следовательно, упомянутое в ванской клинописи божество
Quega было заимствовано пришельцами из армянского пантеона.

⁴⁹ Հայ ժողովրդի պատմություն, հ. I, էջ 227, 695։

⁵⁰ Հ. Գ. Մելիքյան, Ադիաբենի պատմությունը և Հայաստանը, Երևան, 1980, էջ
68—97։